

ANNVENTE SVPREMO SCHOLARCHA,
 ET
 IVBENTE SENATV MAGNIFICO,
 AD
 INTRODVCTIONIS ACTVM
 NOVI PRO-RECTORIS ET PROFESS. PVBL.
 GYMNASII THORUNENSIS,

VIRI
 NOBILISSIMI ET EXPERIENTISSIMI,
 DOMINI

GEORGII PETRI
 SCHVLTZII,

FRANCOFVRTANI MARCHICI,
 PHILOS. et MEDICINAE DOCTORIS,
 NVPER PROFESSORIS PVBL. IN ACADEMIA RECIA
 BEROLINENSI MERITISSIMI,
 ET AD AVDIENDAS ORATIONES,

D. XXII, DECEMB. A. cl^olxxxxi. H. VIII. MATVTINA
 HABENDAS,

PATRONOS, FAVTORES ET LITERARVM
 AESTIMATORES,

DEBITO CVLTV, OBSERVANTIA ET HVMANITATE
 INVITANT.

AC IVVENTVTIEM STVDIOSAM

PERAMANTER CONVOCANT,

GYMNASII THORVNENSIS
 RECTOR, PROFESSORES ET VISITAT.



THORVNII,

Impressit JOHANNES NICOLAI, NOB. SENAT. & GYMNASII TYPOGRAPHVS.



1, quemadmodum olim dixit divinus Plato, pernicioso mentis errore deceptus, ignorantia mortalium nihil aliud est quam oblivio, reminiscencia vero praeteritorum scientia, hodie illud magna ex parte, verbis ad sanio-rem mentem parumper inflexis, valere videtur. Enim vero, multa studio, quam plurima hominum negligentia evilerunt et oblivione consecuta. Deplorant multi deperditas artes, earumque decus & nitorem: Accusant temporum injurias, morumque corruptelas. Homines pristinae integritatis, fidei, constantiae oblitos esse, accuratioris doctrinaeque solidioris eruditos, quos non sunt, qui conqveruntur? Verum unumquodque seculum sua laboratse culpa compertum est, et nunquam non vitiorum semina viguisse. Nec magis aurea, ubi sola regnavit virtus, fuit aetas, ac nunc ubique plane dura et calamitosa. Tum quoque artes nonnullae magno Eruditorum studio excoluntur hodie, quae olim jacerunt, aut ignoratae fuerunt, aliae, in quibus consenuerunt majores, iam negliguntur. Habet unumquodque tempus ab naturae ordine suos peculiare fructus, unaquaeque tellus, quae gignit sola: eodem modo quaelibet aetas peculiari genio regitur quasi et exeretur. Fabula hominis est vita, et variae agendi partes in scena mundi eidem imponuntur. Circumvolutis annis, mortalium quoque res et fortunas videmus circumvolvi. Relinquenda igitur est antiqua via, cum melior et nova adest omnibus probata et trita. Retinendi, quin et repetendi interdum antiqui mores, ubi non sunt vitiosi, et alii nihilo meliores. Propterea prudenti moderatione omnia temperare optimum est. Licet vero omnia iam alia prodeant forma, unus tamen tradendae sapientiae modus, ab natura datus tantum est, qui olim obtinuit et hodie quoque manet, institutio nempe et disciplina. Hac instillantur exempla vitae et artium praeceptiones. Cujus antiqui optimique moris rationem cum perpenderent **MAGNIFICI AMPLISSIMI**que Civitatis Thorunensis **PROCE-RES**, non alia ipsis cura potior est, quam ingeniarum artium officinae, ut eidem praeficiant peritos Doctrinarum Duces, formandaeque Juventutis Magistros. Talem jam speramus non tantum, quin into confidimus, fore, quem nuper **MAGNIFICUS SENATUS** accivit, Virum Nobilissimum et Experientissimum **DN. GEORGIVM PETRVM SCHULTZIVM**, Doctorem Medicum praestantissimum, ad hoc usque tempus in Academia Regia Berolinensi docendi munere egregie perfunctum. Natus hic est Francofurti ad Oderam Anno 1610 cxxxix Patre, exquisito Juris sacerdote et Profess. Ord, **PETRO SCHULTZIO**. Is leges et Jura Academiae tum temporis

poris moderatus in *Academicorum* retulit Anno *clbxcvz*. non secus filium, ac Parentes olim ipsi suos in Capitolium deductos in numerum Civium Romanorum. Quo tempore adolevit inter Excellentissimos scientiarum Duces, BECMANUM, de LITH, de RUNCKEL, WESENFELDIUM et GRUNEBERGIUM. Privatas studiorum rationes moderatus est M. Godof. Wagnerus tantoque felicius, quando diligentior eius erat commendatio a magno Jcto DISSELDORFFIO facta, tum Lipsiae magno applausu Jura docente, nunc Consule Gedanensi, prudentia, consilio et doctrina gravissimo. Anno *MDCXCVIII*. mortuo Parente Lipsiam contendit, ubi celeberrimorum Virorum singulari fide et doctrina non parum se adjutum gratus proficetur, praecipue B. ITTIGII, FRANCKENSTEINII, RECHENBERGII, SCHMIDII, TITII, BAYERI, HARDTII, et ABICHTI, a quibus reconditae sapientiae, Historiarum et Eloquentiae copiam percepit. Redux in Patriam Anno *MDCCI*. Illustris Viri, HENRICI COCCEII, Jure Consultorum hoc aevo facile Principis, SER. REG. PRUSS. a Sanctoribus Consiliis et Antecessoris gratiam sibi conciliavit, cujus opera adjutus Jus N. et illam historiae partem, quae Germaniae res complectitur et Jura, excoluit. Nec minus in arte salutari percipienda, quae studiorum erat meta, Medicorum fama meritisque Clarorum, B. IRENÆI VEHRII et CONR. JOHRENI, doctrina, dexteritate et beneficiis est ornatus. Postea Halas Magdeburgicas salutavit, et in arte medica exquisitissimos Doctores HOFFMANNUM et STAHLIUM est secutus, nec minus eos observavit frequenterque audivit, qui magnae eruditionis, fama ibidem florebat, THOMASII, CELLARIUM, BUDDEUM et JOH. PET. LUDWIG. Tum honoribus Academicis, quibus praeluserat disputatione de Ordine, moderatore, quem supra laudavimus, IOH. CHR. BECMANO, Patrum suffragio Francofurti est ornatus. primo quidem, honestissimo Magistri, ut vocant, titulo in Philosophia ab ordinis sapientum Praefide, Celeberrimo Viro, ANDREA WOLGANGO AMANDERNENDE de RUNCKEL. Postea, anno *MDCCIV*. Doctoris in arte medica nomen et decus, dilargiente, Hippocrate altero Francofurtano, CONRADO JOHRENIO est adeptus, quem quoque Moderatorem brevi habuerat ante in conflictu disputantium publico DE MORBIS BIBLICIS N. T. instituto. Exacto anno, ad Helmstadienses properavit et in familiaritatem admissus ibidem, SCHMIDII, van der HARDT et MEIBOMII, non sine magno eruditionis, qua ipsi pollent, fructu discessit. Perrexit deinde in Belgium, quod merito Theatrum pacis bellicae negotiorum et artium domicilium dixeris, non ut Roscios sibi conciliaret, sed Varrones. Quos Amstelodami primo vidit et salutavit, RUYSCHIIUM videlicet, et HEMSTEREYSENS: BURMAN.

MANNUM et PITTISCUM Ultraiecti, Hardewici ALMELOWEEN. P. BAYLIVM
Roterodami: van DALE Harlemi: Delphis LEEWENHVECCIVM: HELVICVM
Hagae-Comitum, quorum omnium benevolentiam sibi magno suo-
rum studiorum commodo, acquisivit. Diutius substitit Lugduni Bata-
vorum, ubi in familiaritatem et convictum Civis sui perquam bene-
voli, et Celeberrimi Viri, THOMÆ CRENI coopatus, studiis suis ob-
sequi non intermisit, eoqve consilio adiit WITSIVM, VITRIARIVM, GRONO-
VIUM, PERIZONTUM, ut et ALBINUM, et DECKERUM, maximos in va-
riis scientiis Viros, in quorum scholis nihil, nisi quod admirationem
mereretur, audivit. Inito redeundi in patriam consilio, florentissi-
mas alias Belgii, Frisiae et Germaniae civitates perlustravit, Virosqve
doctrina conspicuos salutavit, Franeqverae RHEENFERDIUM: BRAUN-
UM & HARPRECHTUM Groningae: Bremae MEIERUM et de MASTRICH:
FABRICIUM et EZARDI, Hamburgi, alibiqve alios, quos allegare pagi-
na prohibet et ratio instituti. Confecto sic itinere, acquisitos doctri-
nae thesauros obtulit aliis, sapientiae Professoris extra ordinem in A-
cademia patria munere ipsi commodum tradito tributoqve. In
quo versatus per annum diligenter, in novam ab SEREN. et POTENTISS.
REGE PRUSS. Berolini conditam Academiam equestrem est
evocatus, ut illustris juventutis studia et mores moderaretur. Ne-
qve hoc sine fructu et sua quoqve laude ad hoc usqve praestitit
tempus. Praeterea de claris Marchicis, quorum vitas descripsit ner-
vose, bene meruit, aliisque eloquentiae et doctrinae documentis ef-
fecit, ut Professoris Publici et Pro-Rectoris in Gymnasio nostro mu-
nus ipsi benevolo Patrum affectu conferretur. Quod ipsum quo-
qve more consueto et solenni, die XXII. Dec. h. M. X. matutina feli-
citer, ut speramus, ingredietur, habita oratione auspicali DE OBLI-
VIONE MORIS ANTIQVI, propter quam aliasqve ob cau-
sas defecisse literas autor Dialogi de corruptae eloquentiae causis
c. XXVIII. scribit. Ut igitur novo Gymnasii Doctore sua praesen-
tia PATRONI et literatores alii suam benevolentiam animumqve in
literarum ornamenta faciant testatum, maximopere rogamus. In-
primis vero Magnificos et Amplissimos Civitatis PROCERES, BURG-
GRABIUM REGIUM, PRÆSIDEM, PRO-CONSULES CONSULES, atqve SCHO-
LARCHAS: EXPERIENT. PHYS. et MED. Pl. Rev. V. D. MINISTROS. Spe-
ctab. JUDICIORUM CONSESSUM, debito cultu et humanitate invitamus,
ut audiendi studio voluntateqve suffragandi suum comprobent por-
ro in nos affectum. Faciemus nos iterum, ut expectationi et bene-
ficiis cultu et pietate respondeamus, aliorum quoqve Fautorum et Li-
teratorum humanitatem officiis ac bene merendi studio semper com-
pensemus. P. P. Dominica IV. Adventus, Anno Christi 1688.

4883